

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-3460-1/12.
Zenica, 15. i 16.02.2012. godine

Z A P I S N I K

**sa 52. sjednice Vlade Zeničko-dobojskog kantona
održane 15.02.2012. godine i nastavka 52. sjednice održanog 16.02.2012. godine**

Sjednica je održana 15.02.2012. godine i počela je u 10⁰⁰ sati, a nastavak je održan 16.02.2012. godine i počeo je u 10¹⁵ sati.

Sjednici je predsjedavao Fikret Plevljak, premijer Zeničko-dobojskog kantona, izuzev 16.02.2012. godine u terminu 15⁴⁰-16¹⁰, kada je sjednici predsjedavao Mirko Trifunović, ministar Ministarstva za rad, socijalnu politiku i izbjeglice.

Sjednici su prisustvovali članovi Vlade:

1. Jusuf Duraković, ministar Ministarstva za privredu, opravdano je odsutan a sjednici umjesto njega prisustvuje Osman Buza, pomoćnik ministra,
2. Samir Selimović, ministar Ministarstva za poljoprivredu, šumarstvo i vodoprivredu,
3. Miroslav Penko, ministar Ministarstva za pravosuđe i upravu
4. Amra Babić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Mirko Trifunović, ministar Ministarstva za rad, socijalnu politiku i izbjeglice,
7. Bernadeta Galijašević, ministrica Ministarstva za obrazovanje, nauku, kulturu i sport, opravdano je odsutna a sjednici umjesto nje prisustvuje Esad Delibašić, pomoćnik ministra,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okoliše,
10. Suad Omerašević, ministar Ministarstva za boračka pitanja, opravdano je odsutan.

Sjednici su prisustvovali članovi organa rukovođenja i organa upravljanja „rmk promet“ d.d. Zenica:

1. Muhamed Begić, generalni direktor „rmk promet“ d.d. Zenica
2. Arnaut Sarija, izvršni direktor za komercijalne poslove „rmk promet“ d.d. Zenica
3. Dedić Emina, izvršni direktor za ekonomske poslove „rmk promet“ d.d. Zenica
4. Elvira Pidro, direktor revizorske kuće „Recont“ d.o.o. Zenica
5. Sinanović Besim, predsjednik Nadzornog odbora „rmk promet“ d.d. Zenica
6. Serdarević Avdo, član Nadzornog odbora „rmk promet“ d.d. Zenica
7. Mušija Muhamed, član Nadzornog odbora „rmk promet“ d.d. Zenica
8. Suad Orlić, član Nadzornog odbora „rmk promet“ d.d. Zenica.

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Jasminka Ahmetpahić, portparol,
5. Azra Dedić, zapisničar.

Premijer Zeničko-dobojskog kantona stavio je na diskusiju predloženi dnevni red

DNEVNI RED :

1. Redefinisanje odnosa između Zeničko-dobojskog kantona i „rmk promet“ d.d. Zenica u vezi korištenja poslovne zgrade u Zenici, ulica Kučukovići broj 2;
2. Izvještaj o radu za period januar-decembar 2011. godine Kantonalne uprave za inspekcijske poslove, sa Prijedlogom Zaključka o primanju na znanje;
3. Naredba Federalnog štaba civilne zaštite, sa Prijedlogom Zaključka.

Članovi Vlade jednoglasno su usvojili predloženi dnevni red.

Prva tačka dnevnog reda

Uvodnu obrazloženje dao je Fikret Plevljak, premijer Zeničko-dobojskog kantona.

U diskusiji su učestvovali: Muhamed Begić, generalni direktor „rmk promet“ d.d. Zenica, Serdarević Avdo, član Nadzornog odbora „rmk promet“ d.d. Zenica, Fikret Plevljak, premijer Zeničko-dobojskog kantona, Raif Seferović, ministar Ministarstva za prostorno uređenje, saobraćaj i komunikacije i zaštitu okoline, Sinanović Besim, predsjednik Nadzornog odbora „rmk promet“ d.d. Zenica, Berjana Ačkar, sekretar Vlade, Rifat Delić, ministar Ministarstva unutrašnjih poslova, Emina Dedić, izvršni direktor za ekonomske poslove „rmk promet“ d.d. Zenica, Elvira Pidro, direktor revizorske kuće „Recont“ d.o.o. Zenica, Osman Buza, pomoćnik Ministra za privredu i Amra Babić, ministrica Ministarstva finansija.

Premijer Zeničko-dobojskog kantona je prisutnima predložio tekst zaključka koji se odnosi na redefinisane odnose između Zeničko-dobojskog kantona i „rmk promet“ d.d. Zenica u vezi korištenja poslovne zgrade u Zenici, ulica Kučukovići broj 2, a koji će Vlada Zeničko-dobojskog kantona naknadno donijeti.

Sjednica je prekinuta u 11⁰⁵ zbog obaveza članova Vlade.

Nastavak sjednice je održan 16.02.2012. godine u 10¹⁵ sati.

Nastavku sjednice ne prisustvuje Jusuf Duraković, ministar Ministarstva privrede, opravdano odsutan, a sjednici umjesto njega prisustvuje Osman Buza, pomoćnik ministra.

U svojstvu izvjestioca sjednici prisustvuje Mirsada Silajdžić, direktorica Kantonalne uprave za inspekcijske poslove.

Zapisnik vodi Azra Smailbegović-Đuherić.

Prva tačka dnevnog reda

Obrazloženje za ovu tačku dnevnog reda dao je Fikret Plevljak, premijer Zeničko-dobojskog kantona.

U diskusiji su učestvovali: Sekretar Sekretarijata za zakonodavstvo, Ministrica Ministarstva finansija, Ministar Ministarstva za boračka pitanja, Ministar Ministarstva za prostorno uređenje, saobraćaj i komunikacije i zaštitu okoline, Ministar Ministarstva za pravosuđe i upravu, Pomoćnik ministra za privredu, Premijer Zeničko-dobojskog kantona, Sekretar Vlade, Ministar Ministarstva

unutrašnjih poslova, Ministrica Ministarstva zdravstva i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak, sa ciljem redefinisavanja dosadašnjih odnosa između Vlade Zeničko-dobojskog kantona i privrednog društva „rmk promet“ d.d. Zenica vezanih za zajedničko korištenje poslovne zgrade u Zenici, Kučukovići broj 2, da je stav Vlade Zeničko-dobojskog kantona:

- Ugovor o regulisanju međusobnih odnosa vezanih za zajedničko korištenje poslovne zgrade „rmk promet“ d.d. Zenica broj: 01/2002 od 04.01.2002. godine, sa svim pripadajućim anexima, sporazumno se raskida sa 31.01.2012. godine;

- pokreće se postupak definisanja novih odnosa, tako da se sačini novi ugovor u kome bi između ostalog bila utvrđena pravična cijena zakupnine za poslovni prostor koji koriste organi Zeničko-dobojskog kantona u poslovnoj zgradi u Zenici, ulica Kučukovići broj 2, kao prelazno rješenje do okončanja postupka podjele privrednog društva „rmk promet“ d.d. Zenica.

Zadužuje se Ministarstvo za privredu Zeničko-dobojskog kantona da do 29.02.2012. godine okonča radnje iz ovog zaključka.

Potrebno je bez odlaganja pokrenuti postupak podjele kapitala privrednog društva „rmk promet“ d.d. Zenica u skladu sa zakonom, sa prijedlogom da Vladi Zeničko-dobojskog kantona kao 60% vlasniku državnog kapitala, odnosno dionica, pripada lokacija i kompletna poslovna zgrada u Zenici, ulica Kučukovići broj 2, a svi ostali poslovni prostori uknjiženi u vlasništvu „rmk promet“ d.d. Zenica da i dalje ostaju u vlasništvu istog.

Eventualne razlike između vrijednosti elemenata podjele bit će predmetom međusobnog dogovora između Vlade Zeničko-dobojskog kantona i privrednog društva „rmk promet“ d.d. Zenica.

Za praćenje, realizaciju u okviru vlastitih nadležnosti, te informisanje Vlade po ovom zaključku, zadužuje se Ministarstvo za privredu Zeničko-dobojskog kantona

Zaključak stupa na snagu danom donošenja.

Druga tačka dnevnog reda

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspeksijske poslove.

U diskusiji su učestovali: Premijer Zeničko-dobojskog kantona, Ministar Ministarstva za prostorno uređenje, saobraćaj i komunikacije i zaštitu okoline, Sekretar Vlade, Ministar Ministarstva za rad, socijalnu politiku i izbjeglice, Ministrica Ministarstva zdravstva, Direktorica Kantonalne uprave za inspeksijske poslove, Ministar Ministarstva za poljoprivredu, šumarstvo i vodoprivredu, Ministar Ministarstva unutrašnjih poslova, Sekretar Sekretarijata za zakonodavstvo, Ministrica Ministarstva za obrazovanje, nauku, kulturu i sport, Ministar Ministarstva za pravosuđe i upravu, Ministar Ministarstva za boračka pitanja i Ministrica Ministarstva finansija.

Vlada je jednoglasno donijela Zaključak kojim se Izvještaj o radu Kantonalne uprave za inspeksijske poslove za period januar-decembar 2011. godine, vraća predlažući radi dorade u skladu sa prijedlozima datim u diskusiji sa sjednice Vlade Zeničko-dobojskog kantona.

Rok za dostavu Izvještaja iz ovog zaključka je petnaest dana od dana stupanja na snagu istog.

Treća tačka dnevnog reda

Uvodno obrazloženje za ovu tačku dnevnog reda dao je Fikret Plevljak, premijer Zeničko-dobojskog kantona.

Obrazloženje za ovu tačku dnevnog reda dao je Raif Seferović, ministar u funkciji komandanta Kantonalnog štaba civilne zaštite.

U diskusiji su učestovali: Ministrica Ministarstva finansija, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, saobraćaj i komunikacije i zaštitu okoline, Ministrica Ministarstva zdravstva, Ministar Ministarstva unutrašnjih poslova, Premijer Zeničko-dobojskog kantona, Ministrica Ministarstva za obrazovanje, nauku, kulturu i sport, Sekretar Vlade, Ministar Ministarstva za boračka pitanja i Sekretar Sekretarijata za zakonodavstvo.

Vlada je jednoglasno donijela Zaključak kojim se prihvata Informacija Kantonalne uprave civilne zaštite i Ministarstva finansija o provedbi Naredbe Federalnog štaba civilne zaštite, broj: 11-49/1-73/12 od 09.02.2012. godine, o stanju prikupljanja, raspodjele i namjenskog utroška sredstava ostvarenih po osnovu posebne naknade za zaštitu od prirodnih i drugih nesreća, utvrđene u odredbi člana 180. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj 39/03, 22/06 i 43/10), a koja čini sastavni dio ovog zaključka.

Informacija iz ovog zaključka dostavlja se Federalnoj upravi civilne zaštite i Federalnom štabu civilne zaštite.

Premijer Zeničko-dobojskog kantona je zaključio sjednicu u 16³⁵ sati.

SEKRETAR VLADE

Berjana Ačkar

PREMIJER

mr.sci. Fikret Plevljak dipl.ing.

ZAPISNIČAR

Azra Smailbegović-Duherić